



Nuuk, 22.januar 2015

Inatsisartut Suleriaasianni § 37 naapertorlugu Naalakkersuisunut imaattunik apeq-quteqarpunga.

- 1. Naalakkersuisut Inissiaatileqatigiiffik A/S INI-lu akornanni oqaloqatigiinnerit attaveqatigiinnerit qanoq ingerlasarpat? Tassani Naalakkersuisut attartortitsisutut kiisalu maleruagassiortutut inissisimaffii eqqarsaatigalugit.**
- 2. Kommunit ataasiakkaat inunnut isumaginnittoqarfii kiisalu Inissiaatileqatigiiffiup A/S INI-p akornanni inisseeqqiisarnermut tunngasuni kiisalu angerlarsimaffeqanngitsut pillugit oqaloqatigiinneq qanoq ittoq ingerlava?
Attaveqatigiinnermi tassani Naalakkersuisut attartortitsisutut akulerusimappat?
Tamatumani Ilaqutariinnermut Naalakkersuisoq qanoq peqataava?**
- 3. Suliniutit suut Ineqarnermut Naalakkersuisup kiisalu Ilaqutariinnermut Naalakkersuisup kommunini inissaaleqinermik eqqugaasut inisseeqqittarfinniittut angerlarsimaffeqanngitsullu eqqarsaatigalugit kommuninut suliniutigeqqullugit innersuukkusuppaat?
Suullu suliniutit aallartinneqareerpat?**
- 4. Naalakkersuisuusimasut aprilimi ukioq kingulleq ilisimatitsipput, angerlarsimaffeqanngitsut pillugit suliniutinik ukiunut qulinut pilersaarutissanik pilersitsissallutik, suliaq taanna sumut killippa?**
- 5. Naalakkersuisut inisseeqqiisarfiit eqqarsaatigalugit minnerpaaffiliisunik piumasaqaateqalersaarnertutik?
Inuit qassit najugaqarsinnaanerannut tunngasumik, inisseeqqiisarfiit qassit maanna siunissamilu pisariaqartinneqartussat eqqarsaatigalugit, inisseeqqiisarfiit pitsaassusaannut tunngasumik, inisseeqqiisarfinni najugaqarsinnaanerup aalajangersimasumik sivisussusilerneqarnissaanut tunngasumik, utaqqisoqarneranut tunngasumik allanilluunnit?**

(Inatsisartuni ilaasortaq Juliane Henningsen, Inuit Ataqatigiit)

Tunngavilersuut:

INI A/S-imiit siorna ukiakkut tusarliunneqartoq pillugu, inuppassuit maannamut inisseeqqittarfinniittut pillugit, kommunit Naalakkersuisullu oqaloqatigiittariaqarput pilersaarusiortullu.

Pisuni ukunani ernummatigaara Danmarkimut nutserneq kiisalu angerlarsimaffeqanngitsuuneq atugaanerulissasoq. Tamannalu pineqartunut inuiaqatigiinnullu nukittunerulersitsinaviangilaq.

Annermillu Nuummi innuttaasut pineqartut ernummatigaakka; taakkua inissianut nammineq attartortakkanut innersuunneqarsinnaanngimmata.

Taamaattumik ujartorusuppara inatsisitigut sinaakkusiussat pitsaanerulissasut; tamatumani angerlarsimaffeqanngitsut inuiaqatigiinni sanngiitsutut inissisimasut ikiorserneqarsinnaallualerniassammata.